

之其父給歸家將遣嫁女聞脫身走父躡之謂父曰兒重姑之義而哀其無依也願生死與之俱必兒迫者兒請死遂欲躍入水父乃止少姑夫家貧女力田如傭作宵則佐紡績後少姑返母家女亦卒於尤氏年五十時乾隆九年也少姑今尚存

洪氏盛澤鄭世椿妻年二十五夫亡守節三十一年乾隆九年卒

唐貞女幼字陸有任未幾有任病癩甚父母有他議女矢志歸陸茹素布衣垂十載乾隆九年冬有任墮水未絕也眾喧傳其死女聞慟哭仆地遂自縊死有任尋歿女死時年二十四縣學竝給扁獎之

孫氏盛澤章應魁妻年二十七夫亡守節三十三年乾隆十年卒

郭氏蘆墟沈克猷妻年二十六夫亡守節四十年乾隆十一年卒

周氏茅塔黃舜民妻年二十二夫亡苦節二十四年乾隆十二年卒下二人卒年同

徐氏盛澤計文熹妻年二十夫亡苦節四十四年

吳江縣志

卷三十五

列女

三十四

王氏盛澤朱文炳妻年二十六夫亡苦節二十七年

以上六十一人皆在分縣後卒而未旌者

補遺

陳氏二十八都錢雲際妻年二十三夫亡守節四十二年雍正二年卒

卷之三十六

人物十三

寓賢

張翰

陸龜蒙

李無晦

范成大

黃由

楊維禎

倪瓚

張明善

馬麐

丁敏

錢維善

董遠

李幹

王緯

袁杞山

婁堅

申濟芳

楊廷樞

吳福之

茹文略

倪國錦

胡虞裔

方文

王崇簡

王熙

宋琬

唐大陶

爰丹生

儼居同里者

劉獻廷

晉

張翰字季鷹吳郡吳人也父儼吳大鴻臚翰有清才善屬文而縱任不拘時人號爲江東步兵會稽賀循赴命入洛經吳閶門於船中彈琴翰初不相識乃就循言譚便大相欽悅問循知其入洛翰曰吾亦有事北京便同載卽去而不告家人齊王冏辟爲大司馬東曹掾冏時執權翰謂同郡顧榮曰天下紛紛禍難未已夫有四海之名者求退良難吾本山林間人無望於時子善以明防前以智慮後榮執其手愴然曰吾亦與子採南山蕨飲三江水耳翰因見秋風起乃思吳中菰菜蓴羹鱸魚膾曰人生貴得適志何能羈官數千里以要名爵乎遂命駕而歸著首丘賦文多不載俄而生貴得適志何能羈官數千里以要名爵乎遂命駕而歸著首丘賦文多不載俄而

吳江縣志

卷三十六

寓賢

三十五

冏敗人皆謂之見幾然府以其輒去除吏名翰任心自適不求當世或謂之曰卿乃可縱適一時獨不爲身後名耶答曰使我有身後名不如卽時一杯酒時人貴其曠達性至孝遭母憂哀毀過禮年五十七卒其文筆數十篇行於世

見晉書

唐

陸龜蒙字魯望故相元方七世孫父賓虞以文歷侍御史龜蒙少高放通六經大義尤明春秋舉進士一不中往從湖州刺史張搏游搏歷湖蘇二州辟以自佐嘗至饒州三日無所詣刺史蔡京率官屬就見之龜蒙不樂拂衣去居松江甫里多所論議雖幽憂疾痛貲無十日計不少輟也文成竄橐篋中或歷年不省爲好事者盜去得書熟誦乃錄譬比勤勤朱黃不去手所藏雖少其精皆可傳借人書篇秩壞舛必爲輯褫刊正樂聞人學講論不倦有田數百畝屋三十楹田苦下雨潦則與江通故嘗苦飢身畚鍤株刺無休時或譏其勞答曰堯舜儻瘠禹胼胝彼聖人也吾一褐衣敢不勤乎嗜茶置園顧渚山下歲取租茶自判品第張又新爲水說七種其二慧山泉

三虎邱并六松江人助其好者雖百里爲致之初病酒再葺乃已其後客至挈壺置杯不復飲不喜與流俗交雖造門不肯見不乘馬升舟設蓬席齋束書茶竈筆牀釣具往來時謂江湖散人或號天隨子甫里先生自此浩翁漁父江上丈人後以高士召不至李蔚盧攜素與善及當國召拜左拾遺詔方下龜蒙卒光化中韋莊表龜蒙及孟郊等十人皆贈右補闕陸氏在姑蘇其門有巨石遠祖績嘗事吳爲鬱林太守罷歸無裝舟輕不可越海取石爲重人稱其廉號鬱林石世保其居云見唐書

文獻通考曰晁氏云龜蒙自撰甫里先生傳新史多取之而獨不云工歌詩今按其集歌詩爲多又比他文最工新史疎漏如此

按新唐書云龜蒙居松江甫里則固爲蘇之長洲人然常往來於江湖又所著曰松陵集曰笠澤叢書笠澤乃松江首七十里之別名松陵卽今吳江地則其嘗寓居吳江無疑矣故仍舊志列諸寓賢云

吳江縣志

卷三十六

寓賢

三十六

宋

李無晦字行中自雪川徙居吳江高尙不仕放意詩酒

中吳紀聞云行中詩意向深遠晚治園亭

名以醉眠蘇軾兄弟過之爲留題云

見獻集

按吳郡志云李本湖人徙居松江吾邑與長洲並在江濱故康熙間府志列醉眠亭於長洲此則以李爲居吳江莫能定也又朱鶴齡云樂城集有次韻吳興李行中秀才見寄并求醉眠亭詩疑子由只是寄題未嘗至其處姑蘇志謂東坡兄弟嘗過訪留題恐誤愚謂子由寄題之說誠然若東坡與行中游從而贈以詩則中吳紀聞有明文姑蘇志亦非全誤又按中吳紀聞李名行中字無悔此云字行中悔作晦竝誤

范成大字志能吳縣人登紹興二十四年進士第授戶曹監和劑局乾道中累遷起居郎假資政殿大學士使金還上嘉其不辱命除中書舍人歷四川制置使知成都府入對除權吏部尙書淳熙五年遷中大夫參知政事兩月奉祠起知明州尋擢江

東安撫使知建康府紹熙中以資政殿大學士奉祠卒贈少師諡文穆成大爲文
瞻麗清逸自成一家尤工詩自號石湖居士嘗作亭於綺川居之所著有石湖集
吳船錄吳郡志等書事詳宋史

黃由字子由長洲人淳熙八年對策斥甘昇招權市賄舉進士第一授南安軍簽
判累遷著作佐郎使金還遷將作監嘉王府贊讀孝宗疾亟光宗不能視疾由請
嘉王過重華宮問安孝宗爲之感動寧宗卽位累除權禮部尙書兼吏部出知成
都府侍御史張巖奏其植立黨與遂以雜學士奉祠嘉定初起知紹興浙東安撫
使除刑部尙書兼直學士院置別業於吳江學宮之左扁曰盤野自號盤野居士
賦詩有纔到松陵卽是家之句卒贈少師

參蘇州
盧志

元

楊維禎字廉夫會稽人泰定中進士官至待制至正中避兵來吳江依止華巖寺
尋徙松江築元圃蓬臺海內文士造門無虛日自號鐵崖旣得鐵笛號鐵笛道人

吳江縣志

卷三十六

寓賢

三十七

洪武三年以薦召修禮樂書詣闕留百餘日書畢卽乞骸骨歸抵家而卒年七十
五維禎天才逸邁所著詩文爲學者所宗號曰鐵體邑中陶振謝常輩皆其門人
也

參獻
集

倪瓚字元鎮無錫人詩畫清絕爲世所珍至正間避兵吳江寓同里鎮及華巖寺
士大夫爭延致之見俗子輒避去如晚好潔喜焚香洪武間以事誣乘舟匿長
橋蘆葦中捕者聞其異香遂獲之

張景吳中人物志云瓚元季鬻田千百緡悉與張伯雨乃扁舟浮江湖時依止

僧房道館寓松陵與陸靜遠虞勝伯爲友時崑山顧瑛亦棄家隱同里僧寺

詩粹

云瑛徙居九里村法喜寺故江陰王逢懷瑛詩有九里水雲孤櫂泊半樓霜月兩樽同之句

張明善博學多才爲樂府歌行千言立就得騷人比興體又善推步天象言休咎
有徵元至正間從湖廣客遊東南道阻因僑居同里鎮巨室爭延致之賓筵酒酣
爲新詞擊唾壺而歌聞者爲之傾倒清臞多疾遂卒

馬慶字公振元季避兵吳江之南所居園亭池榭極幽閒日誦經史其中樂與賢士大夫交至則觴咏不厭於時世泊如也楊維禎極重之所著有醉餘草堂集見府志

丁敏字與學本烏程人博學好古詩文典雅為時推重元末不樂仕進居吳山之麓與吳文泰袁章張璣易恒輩為詩友繞舍皆植梅至花發笑傲其下有詩集行

於世參獻集

錢謙益曰弘治中吳人張習企翺跋張來儀集後云吳中之詩一盛於唐末再

盛於元季繼而高楊張徐及張仲簡杜彥正王止仲宋仲溫陳惟寅丁與學王

汝器釋道衍輩附和而起故極天下之盛先輩推重與學如此今人至不能舉

其姓氏可嘆

錢維善字思復錢塘人至正辛巳鄉試出羅剎江賦鎖院三千人皆不知錢塘江

為曲江維善援据枚乘七發引用因得名乃號曲江居士官至副提舉張士誠據

吳維善遂不仕退居吳江同里與楊維禎唱和有句云笠澤水寒魚尾赤洞庭霜

吳江縣志

卷三十六

高賢

三十八

落樹頭紅又云漢史丁公那及齒陶詩甲子不書年蓋感時事也已而移居華亭

洪武初卒

明

董遠字仁仲天台人少以遠大自期至正中兩試有司不中遂留錢塘潛心學古

不復科舉已而入吳止天平山復寓松陵之梅花莊張士誠聞遠名遣使奉書幣

迎之遠受書返幣堅臥不起使及門者再乃避地錦峯依浮屠氏以居洪武元年

徵赴京師以沉默不稱旨謫居濠梁八年以薦授莆田知縣時年六十餘矣其治

莆田以循良稱後卒於吳參獻集下傳同

李幹字貞臣睢州人仕元為許州同知歷戶部侍郎佐擴廓軍後敗明兵俘置鎮

江已而選入司農議禮律官制皆與焉及建六部為吏部郎中兼秦府相參軍召

議藩封復斥居寧夏又召入為翰林待詔直內閣以老致仕來蘇州依友人盛逮

居一都年八十六卒逮為買地黃山塋之幹通究典章明國初制作議論英爽一

時稱之

王禕字子克義烏人元季觀時政衰敝走燕都上書不報歸隱青巖山中太祖徵為中書省掾進平江西頌上喜曰浙東有二儒卿與宋濂學問之博卿不如濂才思之雄濂不如卿詔修元史與濂同為總裁官書成拜翰林待制奉使招吐蕃至蘭州召還改使雲南抗節死事具國史建文元年贈翰林學士謚文節正統中改謚忠文禕與陳基善嘗同遊吳松寓居頗久集中有吳江客中冬至日及吳江別蓮上人詩蓋皆未遇時作也見獻集袁杞山失其名嘉善人與黃子澄交善永樂初子澄謀匡復往來杞山家子澄被執杞山亡命至吳江北門作絕命辭自沈於河邑人吳貴三援出之詢知其狀願破家相容因留三月及聞子澄尚有子匿故鄉冒田姓蹤跡得之遂攜奔湖廣之咸寧歷數年有旨宥齊黃親屬乃歸仍居吳江課徒自給生子灝洪熙初杞山歸嘉善灝贅於蘆墟徐氏為吳江人遵父誠不就試有司常痛建文帝寬仁失國太祖實錄多刪改乃述至德篇傳之後人焉

吳江縣志

卷三十六

寓賢

三十九

婁堅字子柔嘉定人萬曆間貢生嘗寓居吳江沈氏經明行修為學者所宗詩文爾雅淵源震川工書法人爭傳購與唐時升程嘉燧為練川三老嘉定知縣謝三賓合堅與時升嘉燧李流芳之詩文鏤板行世名曰嘉定四先生集本董志申濟芳字遵渚文定公時行孫兵部尚書用懋子以蔭任工部郎中甲申闖賊入都不降被執尋以賊遁得歸寓吳江之南城杜門不出年七十九卒

楊廷樞字維斗吳縣人舉崇禎庚午鄉試第一順治二年大兵下蘇州廷樞走避鄧尉山後寓蘆墟費氏時四方弄兵者紛起而廷樞負重望咸指目之巡撫土國寶駐師蘆墟遣人執廷樞命薙髮不從三諭之卒不屈繼以嫚罵乃殺之泗洲寺橋首墜而罵聲猶厲其門人詐紹原購其屍塋焉本明史蘆墟人為置神主於寺

庶乾隆十年吳江知縣丁元正詳請建特祠祀之

按廷樞寓蘆墟時有諸生葉章同避難廷樞死哭之慟其後過泗洲寺橋感慨賦詩有追念楊夫子蒼苔碧血流之句章字公采秀水人遷吳江之北城有才

名

吳福之字公祐武進人禮部尚書鍾巒之子鍾巒死難於昌國衛順治乙酉福之與吾邑吳易同起兵八月之敗易亡去福之死之本明史

茹文略字振先餘姚人吳易部將也少從軍長興為千夫長驍勇善戰易起兵時

大兵已平浙西文略獨攜壯士十餘人入太湖從徐雲龍破長興戰屢有功後

雲龍死乃歸易易優禮之奏授總兵每持長矛陷陣易兵敗文略手刃數十人身

亦被十餘創血盡而仆兵疑其佯死又數刃之 大兵去稍甦捧其首而走之潯

溪得良藥傅之百日始愈丙戌正月又從軍於麻湖與 大兵力戰所殺過當援

絕而亡見南疆逸史

大清

倪國錦字玉成臨山人崇禎末以異才授授寧海都司僉書丁艱歸南都陷魯監國強起之奪情視事既知事不可為退隱江湖間至盛澤居焉性嚴毅不苟言笑

吳江縣志

卷三十六

寓賢

四十

不輕然諾急人之難不以存亡易節嘗以一劍自隨鐫盡忠報國四字 國朝起

復明故官或勸其以割易割國錦乃艷然投其劊於火焚之居鄉二十餘年遇故

國亡臣及舊部曲至必留共晨夕酒闌輒相對涕泣其人姓氏眾莫得而知即家

人亦無從物色也後終鬱悒以沒本半硯齋集

胡虞裔字景陶金陵人寓居吳江維摩室自言曾為明中書以萬縷布條為衣并

為首冠徜徉長橋釣雪間性好飲未嘗醉遇人惟笑靜夜惟哭能畫梅亦善詩喜

作草書有運氣術能辟穀歲餘去之後聞其遊燕子磯濯足沈江而死見府志

方文字爾止桐城人工詩素與吳易沈自炳徐鏞史元輩友善申酉間避兵來吳

江隱居汾湖及梅墩以占卦垂綸飲酒賦詩為事有念山集行於世

王崇簡字敬哉宛平人崇禎癸未進士甲申三月闖賊陷京師崇簡避地山東乙

酉來江南遂至蘇州時所在搶攘崇簡挈家避地汾湖主葉主事紹袁家至冬乃

北歸順治三年選庶吉士歷官翰林學士禮部尚書卒諡文貞所著有佳山堂詩

王熙字子雍從父崇簡避地汾湖北歸順治丁亥成進士選庶吉士歷官大學士卒
宋琬字玉叔萊陽人父應亨明天啓乙丑進士乙酉春同其兄庚辰進士璜挈家渡
江南至蘇州已避亂分湖主葉紹袁家紹袁故與應亨同年也同王崇簡來至冬同
北歸順治丁亥成進士歷官浙江四川按察司使入 觀卒於都琬詩才雄麗爲一
時冠有安雅集行世

唐大陶字鑄萬四川達州人父階泰崇禎中爲吳江知縣後以禮部郎致仕挈大陶
寓居吳江齋志以歿家族燬於賊大陶以順治十四年舉人知長子縣卽罷歸僑寓
郡城西之楓橋往來邑中爲人高潔英奇好古博學晚年奮以聖賢爲歸所著文氣
克詞達有裨於學術治道寧都魏禧見其文讀未半而拜之曰五百年無此作矣其
文名衡書後改名潛書潘耒爲之序大陶家酷貧年七十餘卒無子 本遂初堂
集臨髮集
爰丹生字山夫原名京字形寶嘉善諸生 國初改今名避居庵村及盛澤鎮又居

吳江縣志

卷三十六

寓賢

四十一

震澤鎮與朱鶴齡包振顧有老輩遊詩古文並工著述甚富其卒兩廣總督都御
史吳興祚數千里捐金寄其子以塋之 參買齋
遺集

國初有僦居同里者遺其姓氏家酷貧業寓錫以養母已之飢寒不顧也其入市
必經范翁門范每見深憐之歲除以銀一錠請爲其母壽其人固辭范固與之或
讓之曰翁以汝孝捐金助汝養汝固却非人情乃受之過謝家橋擲於河曰予惟
不欲使母有他食也以及於此遂徙去不知所之

劉獻廷字君賢其先蘇州人曾祖某官順天太醫院遂爲大興人獻廷性穎異博通
羣書議論風發工詩文援筆千言立就康熙中寓居吳江聖壽寺西沈之好古者無
不資其講習獻廷亦樂而久留焉年四十八卒著述甚多頗散佚

釋道

原妙

善如

弘道

真正堂 應了然

寶南琛

壽無暇 源古泉

智瑄

性冲

通賢

通問

行演

大涵

陳昉

胡道安

楊茂林

鄧青陽

俞嗣宗

元

原妙葉志作妙原此從獻集文徵

號高峯吳江徐氏子生而喜趺坐十五歲出家嘉禾密印寺

入淨慈寺參斷橋倫令究生從何來死從何去脅不至席口體俱忘後參雪巖欽

方問訊即打出一日欽忽問阿誰與你拖個死屍來聲未絕屢問如是一日覩五

祖演像贊云百年三萬六千朝反覆元來是這漢忽然打破拖死屍句自是當機

不讓久之欽問日間浩浩時作得主麼曰作得主睡夢中作得主麼曰作得主復

問正睡着時無夢無想無見無聞主在何處原無語入龍鬚苦參五載因同宿僧

推枕墮地作聲廓然大徹咸淳甲戌遷武康雙髻學徒雲集遁入西天目之師子

吳江縣志

卷三十六

釋道

四十二

巖巖拔地千仞峭石林立就石洞營小室如舟榜曰死關悉屏給侍破甕為鐺併

日一食弟子亦罕得見道價彌重學者多殊方異域梯山航海而來原設三關語

驗之下語不契輒閉門弗接元元貞

葉志作至元誤此從獻集

乙未冬示疾辭眾曰西峯三十

年妄談般若罪犯彌天末後有一句子不敢累及平人自領去也大眾還有知落

處者麼良久云毫釐有差天地懸隔復說偈曰來不入死關去不出死關鐵蛇鑽

入海撞倒須彌山遂逝啓龕七日端坐如生塔全身於死關

參獻集

潘裡章曰師行履孤高機鋒險峻屹為宗門砥柱其語錄盛行於今

善如字愚仲吳江人嗣法徑山端言不妄發信筆而書出世蘇州開元寺道望烜

赫退居葑門直指庵人稱為直指和尚將終呼門人訣別泊然而逝

見獻集

明

弘道號竺隱澄源里人姓沈氏父亨母徐氏嘗有梵僧過其居曰此宅當出名僧

後生道道幼穎悟讀書日數千言父命出家年十九薙髮受滿分戒聞雷峯魯山

文講授有規矩往從之遊於是教典罔不通貫謁我庵於天竺我庵示以教觀權實之旨且曰我宗解行二途缺一不可苟非依解進行空言無補由是師有深省所學大服倫輩未幾我庵示寂與大璞祀大徹昱考覈益精重修教苑清規命道秉筆洪武初築室澄源溪上爲終老計尋住持天竺十年有旨箋註楞伽等經道與徒同撰頒行御製竺隱說賜之十五年召入京爲僧錄司左善世賜勅獎焉二十四年春以年老告閒上優許之遂退處長干方丈之西築小室修一行三昧明年秋跣趺而逝道四坐道場上待之每以殊禮王公大臣接遇甚優道不以爲榮至於庸人孺子頂禮者必煦嫗垂誘勉其爲善生平所著詩文見者無不嘆服孝慈皇后崩岐陽王請道建佛事於靈谷道開示鬼神感燈火數千炬照耀林表上爲征南陣亡將上設廣薦法會駕親臨有光如虹五色雲冠鍾山頂道沒後焚之舍利無數世壽七十有八僧臘五十有九塔於天竺雙檜峯參文徵

真正堂童稚出家師事萬峯慧悟道甚早精修苦行草衣木食處之裕如嘗刺指

吳江縣志

卷三十六

釋道

四十三

血寫經無疾端坐而逝越三日徧體汗流茶毘復有舍利時咸異之其弟應了然

同師講道篤志禪那齒德俱茂視其兄有光焉

見獻集下二傳同

寶南琛貌古心清克養有道始爲沙彌徒步登雙徑禮愚庵咨叩心要學成歸隱慧日懺院兼通儒書遊戲詞翰士類極稱許之主定惠虎邱教席掌蘇州僧綱規矩老成緇徒畏服姚少師廣孝與之深契未及領薦而終

璿無瑕吳縣陳氏子嘗參禪於萬峯之高弟持寶藏受經於天界左善世誠鷲峯學通內外宣德四年領薦住吳江報恩寺戒行卓然緇素向慕始有興復之規嗣是掌教者爲源古泉本洞庭山大族戴氏淹貫儒釋闡揚宗旨各出無瑕之右正統六年嘗往長沙市木舟行險途檣竿有火光燭天者三人嘆其誠感後五年建天王殿復產靈芝於是遠近尊信禪林改觀

智瑄號寶峯姓范氏父爲木匠因造海舟塔院斧傷足索酒飲海舟聞之曰適來范作頭傷足猶可假若砍去頭有千石酒能飲否瑄聞有警求爲僧卽與披剃乃

克火頭負柴次海舟曰將荆棘作麼瑄曰是柴海舟大笑曰是柴將去燒却瑄起曰和尚畢竟是甚麼道理刻意參究不覺被火燒去着毛面如刀割以鏡照之豁然大悟作偈曰負薪和尚喚爲棘火燒着毛面皮急祖師妙旨鏡中明一鑑令人元要得呈舟舟便打瑄奪拄杖曰只這六尺竿幾年不用今日又要重拈海舟大笑再呈偈海舟曰可紹吾宗矣成化八年無疾而逝

性冲號無幻又號古湛秀水張氏子少參無趣誨以教外別傳之旨卽欲出家母不聽乃依盛澤圓明寺訓蒙膳親朝夕參究母沒始剃染欲結庵徑山往辭趣趣囑曰子緣在水邊今姑從汝志已從徑山來呈四偈趣莞爾曰非語言文字也遂傳衣法趣入滅後性冲憶前囑下山禁足圓明三年會車溪庵僧證川來請遂居庵二十餘年戒律精嚴遠近來參者不絕萬曆辛亥徑山請主禪期赴半載餘脾疾作歸車溪端坐而逝世壽七十二僧臘三十其骨塔於徑山

本松陵別乘載釋慧廣撰行狀

大清

吳江縣志

卷三十六

釋道

四十四

通賢字浮石平湖趙氏子參天童悟得法在十二弟子之列崇禎十七年住庵村報恩寺寺肇於唐自宋元明未有於此倡禪者賢始以其師天童悟之旨大闡之諸方推其佛法爲人樸實慈和足以規範後進故一時無賢不肖皆宗之歷住平湖通州海門諸道場晚於報恩最久以沒語錄若干卷行於世

參獻集

通問字箬庵父俞安期見文學傳問年十六忽自驚曰奈何使身心無着脚之地哉二十四歲將婚竟宵遁至武林披剃參方得法於磬山修住浙之錢塘十八澗順治乙未解夏後問將所有具并書籍分散其諸方友至武康掃磬山塔晤玉林琇托以法門大事預定逝期於九月二十七日行至吳江應天寺坐逝

潘樞章曰箬庵體甚羸弱而神觀精明條令嚴肅衲子多望崖而返惟真實參究者依焉至今稱南澗門風清嚴孤冷諸方莫及自五燈會元後四百餘年無編纂者師乃徧搜諸宗師語錄舉要芟繁爲續燈存彙十二卷禪林服其精當行演號隱峯姓王氏呂家柵人自幼出家水月庵二十歲參報恩玉林琇三載晝

夜坐禪廢寢食後參古南牧雲門住二十年呈今日熱似昨日得遂印可得法住
黎里羅漢寺示疾卒演賦性樸誠一生粗衣糲食作苦恒爲衆先不敢以師道稍
自佚也其佛法爲人真切不落諸方窠臼聞其言者卽頑儒皆瞿然而興其詩偈
直不愧洪覺範天不假之年緇素無不太息云

大涵字雁黃吳江潘氏子九歲爲僧長參靈巖弘儲從游南嶽歸愛台歛山水之
勝遂卓錫焉在黃山躬耕聞嶺半伐木聲忽有悟口占一絕語透宗旨自是詩遂
有名後主海寧安國寺席復出遊羅浮歸至肇慶示微疾說偈而逝

見省志

以上釋

宋

陳昉縣市人慶曆間爲縣吏掌刑獄以廉謹惠愛稱不娶妻惟一女婢給使令昉
性好魚每食必以二魚餉一日餉至而昉適他出同舍吏戲竊其一置舍席上昉
歸以爲婢尅其一而食之也怒而杖之時向暑舍席生蛆落几上昉視之乃魚腐

吳江縣志

卷三十六

釋道

四十五

也始悟婢寃嘆曰此小事尙爾寃抑况吾爲吏決大事能無寃耶遂辭役作詩

詩云

二十餘年作吏人後園花木也成林盡是筆頭那撚得枝枝葉葉有寃聲
刑重惟恐囚人怨情輕又怕本官嗔不如無事早歸去免得生魂對死魂別親友

從縣前運河洞中而去洞甚深黑相傳通太湖上聞浪聲行七十里可出洞庭山
後數年有道士沽飲肆中將別留一壺爲贈曰以此償酒價貯酒當佳旣去忽見
酒旗上題云昔年陳昉登仙處酒味松陵第一家主人驚異其事取壺貯酒則香
冽異常自是沽者羣集其家因而致富始知昉已仙矣因名其洞曰仙人洞橋曰
仙里橋云明嘉靖間知縣張明道作亭其上曰仙迹亭

徐師曾曰眞仙傳亦載昉事言其放魚得報於長橋踏白石上昇與此不同郡
志因之殊誕妄不足信也

明

胡道安字安谷性狂慧人呼爲胡風子爲元妙觀道士晚遇至人授青城太乙雷
書及斬馘魃魔秘旨洪武末吳中秋旱郡守延道安致禱道安登壇醉酒詬罵怒

髮衝冠令下陰雲四合雷雨大作守甚禮敬之

楊茂林字湛然未詳何地人有道行不用符檄片紙立驅鬼神永樂五年以皇后崩詔黃冠啓法筵茂林以白衣見雲翔香湧上異之稱曰至人命以官不受賜法衣勅行遊天下時吳江大旱署篆王懋本延茂林禱雨兩立至因留崇真觀構方丈居之屢著靈異一日忽脫裘履而逝蓋百餘歲云後有自洞庭還者遇茂林以雙鳥昇歸始知茂林仙去

鄧羽南海人明初青陽縣令後爲道士金丹內煉之功既成雲遊物外永樂中自武當往武夷因過同里隱者范伯彰延之家塾聽講神清氣肅見者竦然嘗著觀物吟百篇皆託物以喻性理之旨後數年尸解而去見獻集參列朝詩集
俞嗣宗字廷遠儀表修長音吐洪暢傳靈寶齋法默契其妙醮筵歲事終日無惰容其誠敬類如此久居仁濟道院闔郡知名年九十有六見獻集

以上道

吳江縣志

卷三十六

釋道

四十六

卷之三十七

人物十四

別錄

宋

周會昌咸淳十年第進士授寧國府學教授以學行稱卒於官

見莫旦松陵志

胡氏平江湖尚書元功女少師黃由妻善筆札詩文亦可觀琴碁寫竹等藝皆精自號惠齋居士與由偕居盤野其墨莊額胡所手書也

本盧王二郡志

元

蕭國寶字君玉山陰人以鄉舉官吳江遂家焉工詩著有輝山存稟至順辛未歲東魯孔濤爲之序稱其懷瑾握瑜韞而不沽發而爲詩皆有補於世道

本元詩選

章德剛一都柳胥村人至正中薦任崑山州學正有詩名子孫居同里鎮

甯普甯壽竝萬戶玉孫至正二十年知州趙仁以甯氏故宅創建新學普壽復以二十八都投氣涓田二十五頃納諸新學資給廩糧翰林院國史編修蘇大年爲